



Carta de compromisos llingüísticos

Les elecciones a la Xunta Xeneral del 28 de mayu representen un momentu crucial p' Asturias. Ye tanta la so importancia que fai d'elles una llende ente'l pasáu y el futuru del país. De la composición del nuestro órganu de representación política que salga de les urnes, van derivase bien de posibilidaes p'avanzar na construcción d'una idea d' Asturias qu'afonde na so autoestima y progresu. La capacidá d'influencia que tengan les fuerces progresistes y el sentíu asturianista qu'estes muestren van ser fundamentales p'acolumbrar l'horizonte de llibertá y respetu llingüísticu pol que munches persones llevamos naguando dende hai décadas. Polo tanto, quiero facer públicu esti compromisu onde garro la responsabilidá de llevar alantre toles acciones precises pa que se llogre un tratamientu amañosu de la cuestión llingüística na llexislatura que vien.

- Impulsar dende'l primer momentu la reforma del Estatutu d'Autonomía, explorando toles fórmules aplicables, onde se recueya la oficialidá de les llingües propies (asturianu y gallego-asturianu) ensin escepcionalidaes nin nengún tipu de mengua d'esi estatus.
- Proponer la creación del Institutu Asturianu de les Industrias Culturales, que tenga ente les sos atribuciones apoyar y promocionar el texíu empresarial xenerao alreod de les nuestres llingües.
- Llevar a la cámara la necesidá urxente d'aprobar el Conveniu Marcu que regule'l tratamientu d'asturianu y gallego-asturianu nel ente públicu de comunicación (RTPA), amás de la puesta en marcha d'un departamentu llingüísticu que mire pol usu correctu de les llingües propies del país.
- Negociar unos Presupuestos Xenerales que doten a la partida dirixida a les nuestres llingües de más consistencia y estabilidá.
- Favorecer una mayor reconocencia institucional, financiación y visibilidá de l'Academia de la Llingua Asturiana.
- Incidir nel desenvolvimientu d'una política llingüística meyor, con acciones ambiciosas, tresversales y efectives.
- Plantegar la recuperación y ampliación del Plan Pilotu pa la introducción del asturianu y el gallego-asturianu como llingües vehiculares na educación.
- Puxar pola estabilidá y mayor espardimientu de los Servicios de Normalización Llingüística nos conceyos, al ser ésta l'alministración más cercana a la ciudadanía.
- Esixir la creación de la Especialidá Docente d'asturianu y gallego-asturianu p'acabar cola inestabilidá y precariedá de los y les profesores d'esas asignatures.
- Destinar parte del escedente xeneráu pol códigu éticu de Podemos Asturias a colectivos y/o entidaes de defensa del asturianu y gallego-asturianu.
- Usar dafechu en toles intervenciones y ámbitos l'asturianu y el gallego-asturianu como ferramienta de normalización y visibilización del fechu llingüísticu del país.

Xune Elipe

Candidatu de Podemos Asturias
a la Xunta Xeneral

